



**ZIMBABWE SCHOOL EXAMINATIONS COUNCIL**  
**GRADE SEVEN EXAMINATION,**

**NAMBYA**  
**PAPER 1**

**708/1**

**SPECIMEN PAPER**

**Time: 1 hour 30 minutes**

**ZWILULAMISO KUBAKWALI BEKWEJO**

Ikwejo yeyi ilokwelela kukwalwa mu awa imwempela inamaminiti makumi matatu (1 hour 30 minutes).

**Bala zwilulamiso yezwi nokulingisisa usanu watanga ikwejo yeyi.**

1. Usizhule iwhalo yeyi usanu wazibiswa.
2. Shingisa chikwaliso choluji lwe-**HB** pegwepele lyenshandulo.
3. Shala inshandulo **imwempela chete** ilolulama yombhuzo umwe nomwe.
4. Kana walundula, **jima zwibuyanana** inshandulo iyo, utukoshaluja ilokwelela.
5. Ungojila mabhokesi anopinda **limwempela** kumbhuzo umwe nomwe, inshandulo iyo **inolunduka**.
6. **Kana usawhisisa zwilulamiso**, bhuza undayiji wekwejo usanu watanga.
7. **Shandula mibhuzo yose pegwepele** lyenshandulo lyawapiwa.

---

**This specimen paper consists of 10 printed pages and 2 blank pages.**

Copyright: Zimbabwe School Examinations Council, Specimen Paper.

Bala lungano yolu utukushandula mibhuzo inotobela.

Takalya tikaguta kuta kubhola tose takabakokwa. Banalulyo bakazwimbilwa tutumbu tukakoma kuti ndandanda. Kwakabikwa bulyelye, zwinonaka chete, zwinonwisa ivula. Inyama yengombe wakabeshala yawunoda, ilobiliswa, ilokwazhiswa, ilokangwa mumafuta amandongo kana iloogochwa mamasimbe alonyekela. Yehuku neyengulube yakababakakangwa chete. Yembuji yakababilisa ikayiva kuta kudolokela. Matumbu embuji akabapombelwa pamakulu akashanganiswa nozwimwe zomukati. Neemha! Wakabezwiluma kalimi nokuti zwakabayiva zwibhodo. Yeyi milibo inoti ikhabhichi, makaka, makroti namatamatisi zwkaba chekelelwa zwikashanganiswa notumwe tunopanyukila, zwilyiwa zvisakabhikwa.

Ishaja wakabeshala lipo pamoyo papo: lyepalicha, lyamafhunde nelyenzembwe. Irayisi neebo yakabelipo. Magwili akabakangwa neeebo, ashapalila abigwa tinobabilila. Wakabeshala zwawunoda akale uvumilwa kupamha. Pakabeli pamabhiko omwana wabaBushe wakababhudilila muzwilayijo zwizwe zopezhulu. Wakabashantisa kasa bazwali babe Kunjani. Bakomboka nokuntla mabhiko yaya. Bakakoka isu tose balayijwa begiledi yashanu ntobiliyopechikolo cheMakwandala kuti topembelela Kunjani akale tikwemuje kuti tite sayiye. Takapelekejwa nabalayiji bedu babili, baChuma nabaNyuni.

### **MIBHUZO**

1. Takalya tikaguta kuta \_\_\_\_ tose.
  - A. kubhola
  - B. kushala
  - C. kupamha
  - D. kuzwimbilwa
2. Ndibani bakazwimbilwa tutumbu tukakoma?
  - A. Bakakokwa
  - B. Balayiji
  - C. Banalulyo
  - D. Bazwali
3. Matumbu eyipi imhuka akabakapombelwa pegulu?
  - A. Ehuku
  - B. Embuji
  - C. Engombe
  - D. Engulube
4. Mabhiko yaya akatilwa nani?
  - A. BaChuma
  - B. BaNyuni
  - C. Bushe
  - D. Kujani

5. Kwakakokwa bana beGilei yashanu nembili kuti betechini?
- A. Kutu belayijwe
  - B. Kutu Bezwimbilwe
  - C. Kutu begute
  - D. Kutu bekwemuje
6. Ini wakatisa kuti bazwali baKujani beshantilwe?
- A. Kubhudilila kwaKujani
  - B. Kugutisa kwaKujani
  - C. Kulayijwa kwaKujani
  - D. Kuzwimbilwa kwaKujani
7. Ngokupi kubhikwa kwenyama kwalebwa mulungano kunokwendelala nokushashika?
- A. Kukwazhisa
  - B. Kubilisa
  - C. Kugocha
  - D. Kukanga
8. Mishobo yamashaja yalebwa mulugano mingana?
- A. Mibili
  - B. Mitatu
  - C. Mina
  - D. Mishanu
9. Kuzwiluma lalimi kuta chini mulungano yolu?
- A. Kuzwiluma kalimi
  - B. Kuzwilwajisa kalimi
  - C. Kulya zokulya zwinozipa
  - D. Kulya zokulya zwinobabilila

### **LULIMI**

Zhajikija nebala lilolulama

10. \_\_\_\_\_ takakokwa kumabhiko.
- A. Mose
  - B. Bose
  - C. Wose
  - D. Tose

**[Turn over**

11. Imi \_\_\_\_ inyama ilogochwa zhilo.

- A. ndosolya
- B. ndolya
- C. ndimulya
- D. ndakalya

Izhajikija nebala linokakabajana nelilotalwa.

12. Matamatisi ayiva muchilili

- A. makoto
- B. mashaba
- C. alobola
- D. alosoloka

Shandula yopa

13. “Yatoba idope yanwa”. Imhukani?

- A. Imbuji
- B. Ingulube
- C. Imhwizi
- D. Ingombe

14. BaChuma bakawha ishumba

- A. ilila
- B. ikuma
- C. kwemba
- D. iboba

Bala inyaya yeyi utukoshandula mibhuzo inotobela.

Taswike nembile lilye Swikani bakamika zhingwanangwana beva kusha luLumbola benda kuHwange. Baka benda kunokwalisa ifomu yotanga kuchikolo cheChilisa. Bakabeda kubindukila kwakale. Bakalindila imota masikati ose bakagada kwati zwalala nokuti yakabajilwa kuswika. Bakaswika muguta lyeHwange busiku bakabhelukila kiRenkini. Bakakakabajana beli babili kuti belulame kupi. Taswika wakati benolala kunabasekulu babo banogala pelyo nokuRenkini mulwendulu.. Swikani wakasimatija ekakabaja eti iye azwitotubulika nokuti basekulu bakabegala nonkaji wabo nabana babo babili Lamwani naBokani.

Swikani wakati iye zwibuya kuti belilame kuMpumalanga kunadade babo batukutuku bakabeloja ingomba ihulwana inanemipanda minji mukati. Pabakaswika kuMpumalaga bakakonkoja peshubo beshomeja sekano mwana wadade babo atukutuku kuti ebazhulile. Pakwakazhulwa bakasekelela benunga zwiwana pasi beyeya kuti bamutambulwa nonhu wabasinoziba.

Bakazizimala pabakabona kubhuda unhukaji epopota eti bamuzhoja busiku. Esanu apeja kubhuza Swikani kuti ndipo panogala baSekani na, wakakatamulwa neshubo lyakakonywa nesimba.

Bakachienama behwa unhukaji ebatatamila ebabuja kuti bakangonangatila bekonkoja uchashoba imapulisa kaka kuba kuswijila nembwa. Zwakaba pachena kuti dade babo batukutuku bakabafuluka pengumba yopo. Bakangwinwa nemhepo besana bapelelwa nemiyeyo. Bakashayiwa kuti bachabhuza ani akale nokuti bachalulama kupi. Bakagala pezhulu pezwi kwama zwabo bakashetesa sabana benjiba bambwela pasi beva mubhiki. Bakoobhanchwa nompulisa wakabezupindila zwe. Wakabawana befwilula bekagodomalisa misholo.

15. Taswikka naSwikani bakabegala kupi?

- A. kuHwange
- B. kuMpumalanga
- C. kuLwendulu
- D. kuLumbola

16. Bakagada nonshajini beva kusha?

- A. Busiku
- B. Madeko
- C. Masikati
- D. Zhingwanangwana

17. Taswika wakabati benolala kunani?

- A. Kuna dade batukutuku.
- B. Kuchikolo
- C. Kuna basekulu
- D. Kurenkini

18. Bakabeda kubindukila

- A. kunobhalisa kuchikolo.
- B. kuobona basekulu.
- C. kunobona dae batukutuku.
- D. kunokwalisa kumapulisa.

19. Ndiyani wakashomejwa kuti ezhule ishubo?

- A. NdiSekani
- B. NdiLowani
- C. NdiBokani
- D. NdiTaswika

[Turn over

20. Neni Swikani akalamba kuti benolala kwabasekulu?
- A. Nokuti banogala pelyo nerenkini.
  - B. Nokuti abana ingumba ineshubo.
  - C. Nokuti banoshingisa ingumba imwempela.
  - D. Nokuti banogala mungumba inemipanda.
21. “Kungwinwa nemhepo” zwinolebani mulungano yolu?
- A. Kuzizimala
  - B. Kutonholelwa
  - C. Kukatamuka
  - D. Kuthya
22. Ini zwakabezizimalisa?
- A. Bakawana dadebatukutuku bakonya.
  - B. Bakawana dadebatukutuku bepopota.
  - C. Bakawana dadebatukutuku belilele.
  - D. Bakawana dadebatukutuku bafuluka.

### **LULIMI**

Zhajikija nebala lilolulama

23. Swikani wakaswika \_\_\_\_ izhuba limila.
- A. madeko
  - B. masakati
  - C. busiku
  - D. zhingwanangwana
24. Taswika wakabethwa zwilyo
- A. muduli
  - B. munkabo
  - C. muhali
  - D. munkungwa
25. Shala untungamili unkulwana mudunhu.
- A. Ndimulisa
  - B. Ndisagota
  - C. Ndibashe
  - D. Ndisabhuku

26. Ukanji wabashe unowhi?

- A. undandakaji
- B. inchilikaji
- C. bahosi
- D. tezikaji

27. Idela mwana

- A. unojilwa kulebeleka
- B. unojilwa kukwenda
- C. unojilwa kulya
- D. unojilwa kuseka

Bala lukwalo yolu utukoshandula mibhuzo inotobela.

Makala Primary School  
P. O. Box 213  
**Hwange**

14 Kwanula 2019

Umbhati Wobugalo  
Nambya Community Museum  
P.O. Box 170  
**Hwange**

Kuna Tate/Mayi

**Chinangwa: Kukumbila imvumo yokushanyila i Museum**

Isu bana banolayijwa igileli yashanu notubili kuchikolo cheMakala chokuKanywambizi timukumbila imvumo yokuti tishanyile i Museum mumweji wa Gumyana unsi wa 24 tapeja kukwala ikwejo yedu yopejeleya. Kunobeli bana makumi matatu, balayiji bana nonkwendesi webhasi nombhanchi uwe. Chinangwa chokushanya yoku kuda kuzhajikija luzibo lwamagalilo aba Nambya nezwishingiso zwabo akale nenzila jabo jokulalama.

Tabedisisa kasa kulayikwa nezwebhatuko lyabaNambya beva kuLuswingo lokuMasvingo nokubakakwendela bepinda kuDoloba, kuShangano kujina beswika kuBumbusi. Kushanya yoku kuchatibambanjila zwilayijo zwechiNambya, i Geography ne Religious Studies mugole linozha tabakuzwilayijo zophezulu zwesekondali.

Timulingilila inshandulo inotambulika iva kunamwi kutila kuti tibambanyile ushaji uchiko.

Taboka kasa.

Ndimi

Shantani Shoko

**[Turn over**

Umilili wabana beGiledi yashanu notubili.

**MIBHUZO**

28. Unkwali wolukwalo unolayijwa kuchikolo

- A. chokuShangano
- B. chokuMakala
- C. chokuDombola
- D. chokuBumbusi

29. Lukwalo yolu lwakakwalwa lini?

- A. Nonsi wa 14 Gumyana
- B. Nonsi wa 24 Kwanula
- C. Nonsi wa 24 Gumyana
- D. Nonsi wa 14 Kwanula

30. Bana bamuda kushanyila iNambya Commuity

- A. bamulayijwa iGiledi yotanga
- B. bamulayijwa iGiledi yashanu
- C. bamulayijwa iGiledi yashanu notubili
- D. bamulayijwa iGiledi yashanu nakamwempela

31. Mulungano yolu naNambya bakava kupi?

- A. KuMasvingo
- B. KuKanywambizi
- C. KuMakala
- D. KuHwange

32. Mulungano yolu Shantani Shoko

- A. undayiji wechikolo
- B. unkwendesi webhasi
- C. umbhati wobugalo
- D. umilili wabana

33. Zwingana zwilayijo zwabandwa mulungano yolu?

- A. Zwishanu
- B. Zwimbili
- C. Zwitatu
- D. Zwina



34. Chinangwa chokushanyila iNambya Cultural Museum ngecheni?

- A. kuti bana bebambanyile ikwejo
- B. kuti bana bezhajikije luzibo
- C. kuti bana bekwende nebhasi
- D. kuti bana bewane inshandulo

35. Kuti “Inshandulo inotambulika” zwinolebani?

- A. Kulengwala kushanya
- B. Kujibiswa kushanya
- C. Kulambilwa kushanya
- D. Kubumilwa kushanya

### **LULIMI**

Zhajikija zwichimbe

36. \_\_\_\_ ngeyabhatwa

- A. Imbava
- B. Imbwa
- C. Imbizi
- D. Imhanje

37. Mazhuba manji pabukuse

- A. bwengombe
- B. bwembuji
- C. bwemhwizi
- D. bwembwa

Zhajikija nebala lilolulama

38. Izhuba lyotanga lyemviki

- A. Muvulo
- B. Insondo
- C. Bwabili
- D. Bwatatu

39. Shantani waka \_\_\_\_ chikaki chiche.

- A. fuma
- B. fwuma
- C. fhuma
- D. fuuma

**[Turn over**

40. Unkwendesi webhasi wakaloba \_\_\_\_ nebhasi.

- A. imwizi
- B. imhwizi
- C. imwizhi
- D. imhwizhi

**BLANK PAGE**

**BLANK PAGE**